



ҚАЗАҚСТАН ҰЛТТЫҚ БАНКІ

АҚПАРАТТЫҚ ХАБАРЛАМА

Валюта нарығы бойынша ақпараттық хабарлама

2002 жыл, 1 қараша

Қазан айының қорытындысы бойынша, теңге бағамы 1 АҚШ доллары үшін 468,23 теңгеге дейін 1,7%-ға нығайды. Қазақстан қор биржасындағы сауда-саттықтың орташа күндік көлемі бір айда 91 млн АҚШ долларынан 121 млн АҚШ долларына дейін ұлғайды. Сауда-саттықтың жалпы көлемі 2,4 млрд АҚШ долларын құрады.

Квазимемлекеттік сектор субъектілерінің валюталық түсімді сатуы өткен айда шамамен 528,6 млн АҚШ долларын құрады. Квазимемлекеттік сектор компаниялары екінші деңгейлі банктер арқылы валюта нарығында сатуды өз бетінше жүзеге асырады.

Ұлттық қордан республикалық бюджетке трансферттерді қамтамасыз ету үшін валюта сату қазанда 362 млн АҚШ долларын құрады. Ұлттық қордан сату үлесі жалпы сауда-саттық көлемінің 15%-ын және күніне 30 млн АҚШ долларынан аспайтын мөлшерді құрады.

Ұлттық қордан валютаны сату жөніндегі операцияларды жүзеге асыру кезінде Ұлттық Банк нарықтық трендті қалыптастыруға араласпау қағидатын ұстанып, «price-taker» қалпында қалатынын атап өткен жөн. Осылайша, валюта нарығындағы қазіргі жағдайларды сақтау мақсатында Ұлттық Банк валютаны сатуға өз өтінімдерін бермегенмен, нарыққа қатысушылар берген бұрыннан бар өтінімдерді қанағаттандырады. Бұл тәжірибе Ұлттық қордан валюта нарығына операциялардың тигізетін әсерін барынша азайтуға мүмкіндік береді.

Қазан айында Ұлттық Банк валюталық интервенциялар жүргізбеді, сондай-ақ БЖЗҚ зейнетақы активтері мен сенімгерлік басқарудағы басқа қорлар үшін шетел валютасын сатып алу немесе сату бойынша операцияларды жүзеге асырмады.

Қысқа мерзімді перспективада теңгенің құбылмалылығы геосаяси жағдайдың өзгеруіне, ішкі қатысушылардың күтулеріне және әлемдік нарықтардағы ахуалға байланысты болады. Ұлттық Банк теңгерімсіздіктің жинақталуын болдырмайтын және алтын-валюта резервтерінің сақталуын қамтамасыз ететін икемді бағам белгілеу режимін ұстануды жалғастырады.

Толығырақ ақпаратты БАҚ өкілдері мына телефон бойынша алуына болады:

+7(7172)77-52-10

e-mail: press@nationalbank.kz

www.nationalbank.kz